



Broj: 04-40-1-103/26
Sarajevo, 14.04.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ za period od 08:30 sati 13.04.2026. do 08:30 sati 14.04.2026. godine

U izvještajnom periodu Kantonalni operativni centar civilne zaštite primio je pet informacija o pronalasku NUS-a:

- dana 13.04.2026. godine u 09:11 sati, od Općinske službe civilne zaštite Trnovo, da je u naselju Stojevića (MZ Dejčići) pronađeno jedno nepoznato neeksplozivno ubojno sredstvo;
- dana 13.04.2026. godine u 09:12 sati, od Općinske službe civilne zaštite Trnovo, da je u selu Brutusi pronađeno jedno nepoznato neeksplozivno ubojno sredstvo;
- dana 13.04.2026. godine u 11:20 sati, od Općinske službe civilne zaštite Hadžići, da je u naselju Bioča pronađeno jedno nepoznato neeksplozivno ubojno sredstvo;
- dana 13.04.2026. godine u 11:45 sati, od Općinske službe civilne zaštite Stari Grad, da je na lokalitetu Trebevića (blizina Hotela Osmice) pronađeno jedno nepoznato neeksplozivno ubojno sredstvo;
- dana 13.04.2026. godine u 12:39 sati od građanina, da je u Ulici 24. juni (Općina Vogošća) pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 7 intervencija i to: dvije interвенције na gašenju kabastog otpada, jedna na gašenju niskog rastinja, jedna na gašenju ogrjevnog materijala (drva) pored stambenog objekta i tri obezbjeđenja pretakanja goriva na sarajevskom Aerodromu.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i

materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 13.04.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Cilj obilaska bila je procjena trenutnog stanja terena te identifikacija potencijalnih rizika.

Prilikom redovnog obilaska lokaliteta klizišta utvrđeno je da je, u odnosu na raniji period, primjetno smanjenje vlage u tlu, što ukazuje na postepeno stabilizovanje površinskih slojeva. Također je evidentan slabiji dotok vode iz pravca deponije, kao i smanjen protok na kraju drenažnog kanala. Na preostalom dijelu klizišta stanje je nepromijenjeno u odnosu na prethodni dan. U donjem dijelu lokaliteta i dalje je vidljivo blago slijeganje tla, ali bez izraženih deformacija. Nisu uočene novonastale pukotine.

Na lokalitetu Knjeginjac nisu vidljive značajnije promjene. Uslijed poboljšanja vremenskih prilika stanje je nešto stabilnije, uz primjetno smanjenu vlažnosti tla. Također nisu evidentirana nova dovlačenja zemljanog niti drugog materijala na predmetni lokalitet. U donjem dijelu deponije evidentan je smanjen protok vode prema klizištu, pri čemu su i dalje prisutne plavne i blatnjave površine.

Na lokalitetu Bistričkog potoka korito je djelimično zatrpano zemljano-kamenim materijalom i obrušenim stablima. Nije uočen zastoj vode u protoku, te se protok odvija nesmetano. Također je zabilježen pojačan dotok vode iz kaptiranog dijela pored mosta. U gornjem dijelu iznad mosta koji teritorijalno pripada općini Stari Grad, i dalje je prisutno obrušeno kamenje, kao i oborena stabla u koritu i njegovoj neposrednoj blizini.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 14°C, vlažnost zraka 54%, barometarski pritisak 938,8 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a